



KONFIRMANT

2026-2027

FØRDE, HOLSEN, HAUKEDALEN
KYRKJE





Velkomen til konfirmasjon!

I konfirmanttida er det rom for å utforske mange viktige sider av livet saman med andre. Som konfirmant får du lære meir om deg sjølv, om tru, om Gud og om den verda du er ein del av.

KVA ER KONFIRMASJON?

Ordet konfirmasjon kan tyde både «å stadfeste» og «å gjere sterk». Konfirmasjonen er ei påminning om at Gud i dåpen sa ja til å vere ein del av livet ditt. I bønna i konfirmasjonen ber vi Gud om å velsigne deg og styrke deg på vegen din vidare i livet. Noko av det viktige med konfirmanttida er å vere ein del av eit fellesskap og bli betre kjent med den kristne trua.

EI KONFIRMANTTID FOR ALLE

Alle har rett til ei god konfirmanttid uansett funksjonsevne. Om det trengst individuell tilrettelegging, ta det opp på konfirmantsamtalen, evt. ta kontakt med kyrkjekontoret slik at vi kan finne dei gode løysingane for dykk.

EG ER IKKJE DØYPT – KAN EG KONFIRMERAST?

Du er velkomen til å delta i konfirmantopplegget sjølv om du ikkje er døypt. Dåpen er ein føresetnad for å delta i konfirmasjonsgudstenesta. Kvart år er det fleire konfirmantar som blir døypte.

Avtale



Vi i kyrkja ønskjer at konfirmanttida skal vere ei god og lærerik tid for alle konfirmantane, fylt med fine opplevingar, erfaringar og kunnskap å ta med seg vidare i livet. For at tida skal bli best mogleg, avtalar vi på førehand kva vi kan forvente av kvarandre.

Av konfirmantleiarane i kyrkjelyden kan de vente at:

- vi bryr oss om konfirmantane.
- vi, saman med konfirmantane, lagar god undervisning og flotte aktivitetar.
- vi sender ut informasjon i god tid, og svarar når de tek kontakt

Av dei føresette ventar vi at:

- de hjelper til med to foreldreoppgåver.
- de møter på foreldremøta.
- de sender skriftleg melding til konfirmantlæraren ved fråvær

Av konfirmanten venter vi at:

- du deltek på alle samlingar og aktivitetar, inkl. minst 8 gudstenester i løpet av konfirmanttida.
- du møter presis til timane og tek med konfirmantboka (som du får av oss)

Konfirmantopplegget

I august vil de få oversikt over kva klasse som skal møtast på kva dag/tid

SAMLINGAR PÅ FØRDE KYRKJETUN

Vi møtast jamnleg i løpet av konfirmantåret, og lærer om ulike tema. Desse datoane er lurt å sette av i kalenderen allereie no: 29. august, 6. november, 29. januar, 13. mars. I tillegg kjem ein ettermiddag i oktober og ein i april.

vert spel, leik og formidling med meir.

LEIR PÅ LYNGMO

Vi deler kullet i to og reiser 5.-7. februar eller 5.-7. mars på leir på Lyngmo ungdomssenter i Hafslo. Det vert aktivitetar inne og ute. Meir informasjon kjem.

TUR TIL NESHOLMEN 19.-20. SEPTEMBER

Vi reiser til Nesholmen leirstad i Hyen. Vi deler konfirmantkullet i to, og har ein heil dag saman med kvar gruppe. Det vert aktivitetar inne og ute.

FASTEAKSJONEN 14. MARS

Kvart år samlar konfirmantane i Førde, Holsen og Haukedalen inn pengar til Kirkens Nødhjelp sin fasteaksjon. Vi møtast vi først til gudsteneste, og deretter samlar konfirmantane inn pengar ved å gå med bøsser rundt omkring i nærområdet.

KLUBBKVELD

Alle konfirmantane skal i løpet av året vere med på ein klubbkveld på kyrkjetunet. Det



Gudsteneste

Som konfirmant skal du vere på minst 8 gudstenester i løpet av konfirmasjonstida. Tre av desse er obligatoriske, som du ser under. Du kan gå på gudstenester i Den norske kyrkja kvar som helst i landet.

PRESENTASJONS- GUDSTENESTER

Konfirmantane vert presenterte for kyrkjelyden sin på ei gudsteneste.

Haukedalen kyrkje:

23. august kl. 15:00

Førde kyrkje: 30. august: kl. 11:00,
og kl. 13:00

Holsen kyrkje:

6. september kl. 15:00

Holsen kyrkje:

6. desember kl. 19:00

Førde kyrkje:

8. desember eller 9. desember

FASTEAKSJONS-GUDSTENESTE 14.MARS

Denne gudstenesta er
obligatorisk
for alle Førdekonfirmantane.

Gudstenestene som inngår i konfirmantopplegget, er opne for alle, og de er hjarteleg velkomne.

LYSMESSE DESEMBER

Dette er ei stemningsfull gudsteneste der konfirmantane deltek i gudstenesta.

Haukedalen kyrkje:

6. desember kl. 16:00



Tenesteoppgåve

Ein viktig del av konfirmantåret, er at konfirmantane sjølv erfarer at dei er ein del av kyrkjelyden. Her kan konfirmantane velje kva dei ynskjer å vere med på. På trusopplæring vil det vere avgrensa plass.

GUDSTENESTE

Gjennom å delta i ei gudsteneste vil konfirmantane sjølv erfare at dei er ein del av kyrkjelyden. Når konfirmanten har oppgåve i gudstenesta, har foreldra med ei platekake, og hjelper til på kyrkjekaffien før og etter gudstenesta.



TRUSOPPLÆRING

Her kan konfirmanten bli kjent med kyrkjelyden gjennom å vere med på ein trusopplæringsaktivitet for born 0-12 år. Det kan t.d. vere ope hus, hallovenn eller anna.

Økonomi

Konfirmantåret kostar **2700,-**

Dette er inkludert i avgifta: Dagstur til Nesholmen inkl. reise, leir på Lyngmo inkl. reise, mat på nokre av samlingane, materiell, leige av konfirmantkappe, og solistar på konfirmasjonsdagen.

Om nokon treng økonomisk støtte, bed vi deg ta det opp på samtalen i juni, eller ta kontakt med kyrkjekontoret.

Vi har av og til konfirmantar frå andre kyrkjesamfunn som deltek i deler av, eller heile, konfirmantåret. De er hjarteleg velkomne til å vere med. Ta kontakt for praktiske og økonomiske avklaringar.

Foreldre/føresette

For å gjennomføre konfirmantåret er vi avhengige av foreldre/føresette. De får difor to oppgåver som vi treng dykkar hjelp til. Set opp **tre** ynskje i prioritert rekkefølge i påmeldingsskjema. (Du får berre to oppgåver å utføre.)

I tillegg til desse, kjem vi til å spørje nokon av dykk om å bake ca 30 bollar til Nesholmenturen eller fasteaksjonen. Og dersom konfirmanten har oppgåve i gudsteneste, vil vi be foreldra om å hjelpe til på kyrkjekaffien.

Om nokon har særskilde behov når det gjeld foreldreoppgåvene, må de skrive det inn i kommentarfeltet i påmeldinga.

1: VERE MED PÅ TUR TIL NESHOLMEN I SEPTEMBER

Vi treng foreldre som kan vere med til Nesholmen og hjelpe til med ulike praktiske oppgåver der.

2: HJELPE TIL PÅ KONFIRMANTDAGANE

Vi treng foreldre som kan hjelpe til å lage mat, og andre praktiske oppgåver på konfirmantsamlingane.

3: VERE MED PÅ LEIR PÅ LYNGMO

Her er det eit stort behov for

foreldre som kan vere med på leir.

4: KØYRING TIL FASTEAKSJONEN 14. MARS

Vi treng mange sjåførar denne dagen som kan køyre konfirmantane til dei ulike stadene dei skal samle inn pengar.

5: PRAKTISK HJELP PÅ KONFIRMASJONSDAGEN

Vi treng foreldre som kan vere med og hjelpe til med konfirmantkappene og gåveposane på Førde Kyrkjetun ein av konfirmasjonsdagane ein sjølv ikkje har konfirmant.

Påmelding til konfirmantåret

PÅMELDING

Gå inn på minkirkeside.no/Sunnfjord

Hugs og velje riktig sokn: Førde eller Holsen/Haukedalen

Svar på alle spørsmåla.

Har du vanskar med påmeldinga ta kontakt med kyrkjekontoret.

KONFIRMANTSAMTALE PÅ FØRDE KYRKJETUN

Etter at du har meldt deg på konfirmantåret, må du kome på konfirmantsamtale i juni saman med ein eller begge føresette. Her er de inndelt etter dei nye klassane frå i haust. *Om dag/tid ikkje passar, kan du byte til ein av dei andre klassane.*

08. juni kl. 16:30 – 9A, kl. 17:30 – 9B, kl. 18:30 – 9C

09. juni kl. 16:30 – 9D, kl. 17:30 – 9E, kl. 18:30 – 9F

KONFIRMASJONAR 2027

02. mai kl. 10:00 9A

06. mai kl. 10:00 9C

09. mai kl. 10:00 9E

02. mai kl. 12:00 9B

06. mai kl. 12:00 9D

09. mai kl. 12:00 9F

02. mai kl. 11:00 Holsen

23. mai kl. 11:00 Haukedalen

Kontakt oss:

Heimeside: kyrkja.no/forde

E-post: post.forde@sunnfjordkyrkja.no

Tlf.: 57 82 81 80